

ՀԱՅԱՍՏԱՆՈՒՄ ՌԱԶՄԱԿԱՆ ԿՈՄՈՒՆԻԶՄԻ ԿԻՐԱՌՄԱՆ ՊԱՏՄՈՒԹՅՈՒՆԻՑ

ԿՏՐԻՃ ՍԱՐԴԱՐՅԱՆ

Սովետական ժողովուրդը Հոկտեմբերյան հեղափոխության 70-ամյա տարեդարձը դիմավորեց երկրում կատարվող արմատական վերափոխումների պայմաններում: 1921 թ. գրած «Հոկտեմբերյան հեղափոխության քառամյա տարեգարծի առթիվ» հոդվածում Վ. Ի. Լենինը նշում էր. «Որքան ավելի է հեռանում մեզանից այդ օրը, այնքան մենք ավելի ենք խորամուխ լինում նաև մեր աշխատանքի գործնական փորձի մեջ՝ ամբողջությամբ վերացրած»¹: Ինչպես այս, այնպես էլ 1921 թ. մյուս հոդվածներում և ելույթներում, նշելով հաջողությունները և ձեռքբերումները, Վ. Ի. Լենինը ժանրության կենտրոնը տեղափոխում էր դժվարությունների, դրանց ծնող պատճառների և թույլ տված սրխալների վերացման վրա: Հակասությունների հաղթահարման մեջ տեսնելով դարգացման հեռանկարը, Վ. Ի. Լենինը սոցիալիստական հասարակարգի ներդաշնակ գարգացման գրավական էր համարում ստեղծագործական քննադատությունն ու ինքնաքննադատությունը: Վ. Ի. Լենինի՝ նշված ժամանակահատվածի պրակտիկ գործունեությունը և տեսական ժառանգությունն անսպառ աղբյուր է այսօրվա խնդիրների հաջող լուծման համար: Առաջին հերթին այն պատճառով, որ 1921 թ. երկրում տեղ գտած տնտեսական դժվարություններն առաջնորդը վերլուծեց իրենց բոլոր շարժառիթների հանրագումարով, որը և հնարավորություն տվեց վերացնելու դրանք ծնող պատճառները: Ճնշմանական ճակատում կոմունիզմի անցնելու փորձ անելիս, — գրում էր նա, — մենք 1921 թ. գարնանն ավելի լուրջ պաշտություն կրեցինք, քան որևէ այլ պարտություն»²:

Սոցիալիզմին անցնելու ճակատային գրոհի քաղաքականությունը (ռազմական կոմունիզմ) փոխարինելով շրջահայաց քաղաքականությունը (նէպ), Վ. Ի. Լենինը ցույց տվեց այդ քաղաքականությունը երկրի պատմական կոնկրետ պայմաններին համապատասխան մերակառուցելու դասական օրինակ: Բնավ պատահական չէ, որ ՍՄԿԿ XXVII համագումարն ընդհանուր երանգներով հիշեցնում է 1921 թվականը³: Դա անխուսափելի է դարձնում 1921 թ. վերակառուցման ժամանակաշրջանի հարցերը Վ. Ի. Լենինի պրակտիկ գործունեության և տեսական ժառանգության ոգուն համապատասխան ուսումնասիրելու և դրանցից դասեր առնելու անհրաժեշտությունը: Անշուշտ, անցման շրջանի հարցերի ամբողջական խորությամբ վերհանումը կապված է դժվարությունների հետ, որոնցից մեկն էլ այն է, որ շնայած այս ժամանակաշրջանի հարցերի մասին սովետական պատմագիտության մեջ կան բազմաթիվ աշխատություններ, բայց դրանցում ավելի շատ ուշադրություն է դարձվել ձեռք բերած հաջողություններին և աչքաթող է արվել պատմական փորձն ճամբողջությամբ վերացրած» քննարկելու լենինյան ուշադրավ պատգամը: Լենինյան ուղեցուցչային դրույթներին հասարակագիտության ոչ միշտ հավատարիմ լինելը նկատի ունենալով էր Մ. Ս. Գորբաչովը ՍՄԿԿ Կենտկոմի 1987 թ. հունվարյան պլենումում նշում, որ «որոշակի հանգամանքների բերումով տեսությունից և հասարակագիտությունից անհետույցել էին կենդանի բանավեճը և ստեղծագործական միտքը, իսկ ավտորիտադ գնահատումներն ու դատողու-

1 Վ. Ի. Լենին, ԵԺԺ, հ. 44, էջ 172:

2 Վ. Ի. Լենին, ԵԺԺ, հ. 44, էջ 190:

3 Стефан Опара, Критика при социализме («Проблемы мира и социализма», 1987, № 3, с. 65).

թյունները սոսկ մեկնաբանման Լեթակա անառարկելի ճշմարտություններ էին դարձել... Սոցիալիզմի մասին լենինյան դրույթները մեկնաբանվում էին պարզունակ ձևով, հաճախ ամլացվում էին դրանց տեսական խորությունն ու նշանակությունը⁴։ Դրույթումը շտկելու նպատակով կուսակցությունը հասարակագետների առաջ խնդիր է դնում խորությամբ և պրակտիկային համապատասխան ուսումնասիրել հասարակական-քաղաքական կյանքի հանգուցային հարցերը, վեր հանել սոցիալիզմի անցած պատմական ուղու դժվարություններն ու թույլ տված սխալները՝ արված գիտական հետազոտություններն ու ընդհանրացումները այսօրվա խնդիրներին ծառայեցնելու նպատակով։

Սովետահայ պատմագիտության մեջ ցայսօր կա՛մ արդարացվել է Հայաստանում ռազմական կոմունիզմի քաղաքականության կիրառումը⁵, կա՛մ ցույց է տրվել նրա սխալ լինելը⁶։ Վերջիններն իրավացիորեն քննադատել են այդ քաղաքականության կիրառումն արդարացնող հեղինակներին։ Նրանք, հենվելով Ա. Մյասնիկյանի և Ս. Լուկաշինի (Սրապիոնյան) ՀԿԿ և ՀՍՍՀ սովետների անդրանիկ համագումարներում այդ հարցի վերաբերյալ արտահայտած այն հիմնավոր տեսակետների վրա, որ Հայաստանում ի սկզբանե սլետ է կիրառվել շրջահայաց տնտեսական քաղաքականություն, ցույց են տվել, որ ռազմական կոմունիզմի քաղաքականության կիրառումը Հայաստանում սխալ էր և ունեցավ ծանր հետևանքներ։ Բայց այդ հեղինակները բավարարվել են ընդհանուր գծերով Հայհեղկոմին և ՀԿԿ Կենտկոմին քննադատելով այն բանում, որ նրանք մեխանիկորեն կիրառեցին Սովետական Ռուսաստանի տնտեսական քաղաքականությունը։ Հարցի նման ընդհանուր մոտեցման արդյունքը եղել է այն, որ ռազմական կոմունիզմի քաղաքականության հեղինակները մնացել են սովետում և նրանց փոխարեն հանիրավի քննադատվել են նաև այն ղեկավար գործիչները, ովքեր իրականում դեմ էին եղել այդ քաղաքականության կիրառմանը։

ՀԿԿ I համագումարին Կենտկոմի տված հաշվետու զեկուցման մեջ Ս. Լուկաշինը ռազմական կոմունիզմի քաղաքականության սխալականության մասին իր դատողությունները խարսխում էր ՀԿԿ Կենտկոմի և Հայհեղկոմի անգամների միջև եղած տարաձայնությունների վրա։ Նա նաև այդ քաղաքականությունն իրագործողներին անուղղակի հասկացնել էր տալիս, որ նրանք սըլսալ են եղել։ Պատահական չէ, որ Ս. Լուկաշինի հաշվետու զեկուցումից հետո հարակից զեկուցումով հանդես եկող Ա. Նուրիջանյանը, որպես Ս. Լուկաշինի արած դիտողությունների հակափաստարկ, հայտարարեց, թե ռմինչև փետրվար մեր կուսակցությունը տնտեսական որևէ քաղաքականություն չի վարել։ Նրան մենք չենք կարող մեղադրել տնտեսական նոր քաղաքականություն չվարելու համար, որովհետև այդ ժամանակ մեզանից և ոչ ոք չէր կարող այդ քաղաքականության կիրառման մասին մտածել⁷։ Սակայն, եթե ռազմական կոմունիզմի քաղաքականությունը չի նպաստել Հայաստանում սովետական իշխանության, ամրապնդմանը, դա դեռ ապացույց չէ այն բանի, որ այն չի կիրառվել։ Որպես ապացույց կարելի է բերել ՀԿԿ I համագումարում

⁴ ՀՍՄԿԿ Կենտրոնական կոմիտեի 1987 թ. հունվարյան պլենումի նյութերը, Երևան, 1987, էջ 11։

⁵ Ա. Մ. Հակոբյան, Սովետական Հայաստանը ժողովրդական տնտեսության վերականգնման ժամանակաշրջանում, Երևան, 1955, վ. Ն. Ներկարարյան, Հայաստանի կոմունիստական պարտիան ժողովրդական տնտեսության վերականգնման ժամանակաշրջանում, Երևան, 1956, Ս. Մ. Սահրադյան, Ռազմառևոլյուցիոն կոմիտեները Հայաստանում (1917—1922), Երևան, 1961, Ե. Ռ. Հարությունյան, Հայ ժողովրդի պատմություն, հ. 4, Երևան, 1970 և այլք։

⁶ Գ. Մ. Գեղամյան, Ռազմական կոմունիզմի քաղաքականությունը Հայաստանում (Հայաստանի ժողովրդական տնտեսություն), 1976, № 3, էջ 65—74, Նույնի՝ Սոցիալ-տնտեսական վերափոխումները Հայաստանում ՆԷՊ-ի տարիներին, Երևան, 1978, Բ. Ս. Օհանջանյան, Սովետական Հայաստանը ժողովրդական տնտեսության վերականգնման ժամանակաշրջանում, Երևան, 1982։

⁷ Ենթերգային Հայաստան, 29. I. 1922։

Ս. Լուկաշինի՝ արտահայտած հետևյալ միտքը. «Նժե նախափետրվարյան շրջանում մեր կառավարությունը որոշ բռնագրավումների և խստությունների է դիմել, ապա նա այդ արել է ելնելով մեր ուղիղ քաղաքականությունից»⁸։ «Ուղիղ քաղաքականություն» ասելով Ս. Լուկաշինը նկատի ունի ռազմական կոմունիզմի քաղաքականությունը։ 1922 թ. հունվարի 15-ին «Խորհրդային Հայաստան» թերթում տպագրված «Մեր կուսակցության առաջին համագումարը» առաջնորդող հոդվածում ՀԿԿ Կենտկոմի մինչփետրվարյան քաղաքականության մասին գրված է. «Նա (Կենտկոմը—Կ.Ս.) դիմեց զինվորական կոմունիզմի հարկադրական մեթոդներին։ Մեր կուսակցության պատմության այդ ժամանակաշրջանը հենց այդպես էլ բնորոշվում է զինվորական կոմունիզմի շրջան»։ Ուրեմն, հիմնավորված չէ Ա. Նուրիջանյանի փաստարկի առաջին մասը, որ մինչև փետրվար ՀԿԿ Կենտկոմը որևէ տնտեսական քաղաքականություն չի վարել։ Ավելի կարևոր է Ա. Նուրիջանյանի փաստարկի երկրորդ մասը՝ արդյա՞ք մինչև ՌԿ(բ)Կ X համագումարը և Ա. Մյասնիկյանի ու Ս. Լուկաշինի Հայաստան գալը ոչ ոք չի մտածել ուրիշ տնտեսական քաղաքականություն վարելու մասին։

1920 թ. դեկտեմբերի 9-ին Հայհեղկոմի նախագահ Ս. Կասյանը Երեվանում կայացած կոմունիստների ժողովում «Ընթացիկ մոմենտի մասին» զեկուցման մեջ, անդրադառնալով հանրապետության տնտեսական խնդիրներին, նշում էր. «Հայաստանը գլխավորապես գյուղացիական մանր տնտեսության մի երկիր է։ Տնտեսական քաղաքականությունը երբեք չի կարելի միակերպ անցկացնել ամբողջ երկրում, նա կախված է երկրի անմիջական կազմից։ Տվյալ դեպքում Հայաստանի նկատմամբ չի կարելի անցկացնել Խորհրդային Ռուսաստանի և նույնիսկ Ադրբեջանի տնտեսական քաղաքականությունը։ Խոշոր գործարանները, որոնք մատենների վրա կարելի է հաշվել, իհարկե, կազմալուծվեն։ Կայքարենք նույնպես գյուղացիական կուլակների ղեմ...։ Ինչ վերաբերում է միջին գյուղացիությանը, մանր տնտեսություն վարողներին, տնայնագործությանը պարապողներին, ինչպես ցույց տվեց Խորհրդային Ռուսաստանի փորձը, ձեռք չենք տա»⁹։ Հայաստանի տնտեսական ծանր վիճակը Ս. Կասյանը վերլուծում էր ճիշտ դիրքերից, հաշվի առնելով հանրապետության առանձնահատկությունները, ինչպես նաև Սովետական Ռուսաստանի փորձը։ Պարզվում է, որ ոչ թե տնտեսական ուրիշ քաղաքականության մասին մտածող չի եղել, այլև այն, որ Հայաստանի Հեղկոմի նախագահը ռազմական կոմունիզմի քաղաքականության կիրառմանը սկզբունքորեն դեմ է եղել։ Այս հանգամանքն իսկ հուշում է, որ Ա. Նուրիջանյանը տնտեսական քաղաքականության հարցում ի սկզբանե համակարծիք չի եղել Ս. Կասյանի հետ։ Այլապես ուրիշ ի՞նչ հանգամանք պետք է ստիպած լիներ, որ նա իրականությանը չհամապատասխանող այդպիսի հայտարարություն աներ կուսակցության համագումարում, մանավանդ, որ Ս. Կասյանն իր տեսակետները շարադրել էր կուսակցական ակտիվի ժողովում և այն տպագրել մամուլում¹⁰։ Հնարավոր է, որ Ա. Նուրիջանյանը նկատի է ունեցել ոչ թե քաղաքականության բովանդակությունը, այլ սոսկ անվանումը, որովհետև եթե Հայաստանում ներքին քաղաքականությունը տարվեր Հայհեղկոմի նախագահի հիշատակած ելույթում բովանդակած սկզբունքներով, բնական է, որ այդ քաղաքականության անունը նոր տնտեսական քաղաքականություն չէր լինի, բայց իր բովանդակությամբ և նպատակադրվածությամբ կհամապատասխաներ նրան։ Հարցի քննությունից պարզվում է, որ Ա. Նուրիջանյանը բնավ էլ քաղաքականության անվանումը նկատի չի ունեցել, այլ հենց բովանդակությունը։ Այդ մասին արժեքավոր տեղեկություն է հայտնում Ա. Գ. Հովհաննիսյանը. «Հիշում եմ, որ Կենտկոմի նիստերից մեկում (հավանաբար հունվարի առաջին կեսին — Կ. Ս.) նա (Մուսվաթյանը — Կ. Ս.) կարդաց իր հետ Մոսկվայից բերած չորս էջանոց մի գրություն, որ կազմել էր Վառլամ Ավանեսովը՝ Լենինի զրույց-

⁸ Նույն տեղում, 28. I. 1922.

⁹ Ս. Կասյան, Ընտիր երկիր, Երևան, 1967, էջ 185—186.

¹⁰ «Կոմունիստ», 12. XII. 1920.

նների և ցուցումների հիման վրա ձևակերպելով այն սկզբունքները, որոնցով նրա կարծիքով ղեկավարվելու էին Կովկասի ընկերները: Կովկասի քաղաքականության այդ սկզբունքները մասամբ հիշեցնում էին այն նամակը, որ ա-միսներ անց Կովկաս բերեց Մյասնիկյանը: Սակայն Ավանեսովի ձեռքով շա-րադրված հանձնարարականները չունենին հարկ եղած կշիռը՝ Ավին-Կոստանյա-նի քաղաքական ընթացքը նոր հունի մեջ դնելու համար, և Մոսկվայի բոր-բորված ձայնը միայն տարակուսանք արտահայտող բացականչությունների հանդիպեց Կենտկոմի նիստում¹¹: Այսպիսով, Հայաստանում ռազմական կոմունիզմի քաղաքականության հեղինակներից էին ՀԿԿ Կենտկոմի և Հայ-հեղկոմի անդամ Ա. Նուրիջանյանը և ՀԿԿ Կենտկոմի անդամ Հ. Կոստանյանը, որը հանրապետության սոցիալական ապահովության և աշխատանքի ժողովրդ-դական կոմիսարն էր¹²: Պարզվում է նաև, թե ինչու Հայհեղկոմի նախագահ Ս. Կասյանը չի կարողացել իրական կերպարանք տալ իր 1920 թ. դեկտեմբե-րի 9-ի ելույթի ոգուց բխող խնդիրներին, որովհետև ՀԿԿ Կենտկոմի մեծա-մասնությունը համոզված էր, որ Հայաստանում ևս պետք է կիրառվի ռազ-մական կոմունիզմ:

ՀԿԿ Կենտկոմի և Հայհեղկոմի ղեկավարների միջև եղած տարաձայնու-թյունները սկիզբ են առել հանրապետությունում սովետական կարգերի հաս-տատման առաջին օրերից և դրա համար հիմնավոր պատճառ են հանդիսացել տնտեսական քաղաքականության խնդիրները: Վերջիններիս ճիշտ լուծումից էլ մեծապես կախված էր ներքին կյանքի մի շարք ցավոտ հարցերի կարգա-վորումը: Զարմանալիս այն է, որ ՀԿԿ Կենտկոմի նիստում «միայն տարակու-սանք արտահայտող բացականչություններին» են հանդիպել լենինյան ցու-ցումներով Մոսկվայից վերադարձած Ա. Մոսկվայի հիմնավոր փաստաթղթե-րը: Զարմանալի է և հակասական, որովհետև հենց ՀԿԿ Կենտկոմի և Հայհեղ-կոմի հանձնարարությամբ էին Ս. Տեր-Գաբրիելյանը և Ա. Մոսկվայի մեկնել Մոսկվա՝ Հայաստանի համար կենսական նշանակություն ունեցող մի շարք հարցերում ՌՍՖՍՀ կառավարության դիրքորոշումը պարզելու և առաջնորդից ցուցումներ ստանալու: ՀԿԿ Կենտկոմը կարող էր ընդունել Ա. Մոսկվայի փաս-տաթղթերը. նույնիսկ այն դեպքում, եթե նա Մոսկվայից ոչ մի գրություն էլ բերած չլիներ:

Քննվող ժամանակահատվածի տնտեսական խնդիրներով զբաղվող պատ-մաբանները չեն անդրադարձել տնտեսական քաղաքականության հարցերում ՀԿԿ Կենտկոմի անդամների միջև եղած սկզբունքային տարաձայնություններին: Դեռ առկա է, փորձ է արվել համասարության եզրեր տեսնել այն ղեկավարնե-րի գործելակերպում, որոնք իրականում ունեցել են տարբեր դիրքորոշումներ: Բ. Օհանջանյանը գրում է. «Մովետական Հայաստանի ղեկավարներից շատե-րը, առաջին հերթին Հեղկոմի նախագահ Ս. Կասյանը և ՀԿ(Բ)Կ Կենտկոմի ա-ռաջին քարտուղար Գ. Ալիխանյանը, կարծում էին, որ եթե Ռուսաստանում ռազմական կոմունիզմ է մտցվել, ապա նույնը անհրաժեշտաբար պետք է մտցվի նաև Հայաստանում»¹³: ՀԿԿ Կենտկոմի քարտուղար Գ. Ալիխանյանի դիրքորոշման հարցում հեղինակը միանգամայն իրավացի է: Ընդդեմ Ս. Կաս-յանի և Ա. Մոսկվայի Կենտկոմում մեծամասնություն էին կազմում Գ. Ալի-խանյանը, Ա. Նուրիջանյանը, Հ. Կոստանյանը և Ի. Դովլաթյանը: Սակայն Ս. Կասյանի հասցեին հեղինակի մեղադրանքը հանրապի է: Բ. Օհանջանյանի նման վերաբերմունքը արդյունք է այն բանի, որ հեղինակը պատմական փաս-տերի փոխարեն հրամցրել է իր ենթադրությունները, և դա այն պարագայում, երբ ինքը, մեղադրելով հիշյալ ժամանակաշրջանով զբաղվող պատմաբաննե-

11 Ա. Գ. Հովհաննիսյան, Հուլիս և քննադրումներ, Երևան, 1969, էջ 97—98:

12 1921 թ. հունվարի 11-ի Հայհեղկոմի հրամանով Հ. Կոստանյանը ազատվեց սոցիալա-կան ապահովության ժողովրդական կոմիսարի պաշտոնից, մնալով որպես աշխատանքի ժո-ղովրդական կոմիսար: Սոցիալական ապահովության ժողովրդական կոմիսար նշանակվեց Գ. Տեր-Սիմոնյանը:

13 Բ. Ս. Օհանջանյան, նշվ. աշխ., էջ 41:

րին, պահանջում է, որ ՀԿԿ Կենտկոմի և Հայհեղկոմի գործունեությունը մինչև 1921 թ. փետրվար բացահայտվի Վ. Ի. Լենինի՝ 1921 թ. ապրիլի 14-ի Կովկասի կոմունիստներին հղած նամակի դրույթների լույսի տակ¹⁴, ճթե Վ. Ի. Լենինի նամակում բավանդակած դրույթները համադրենք Ս. Կասյանի դեկտեմբերի 9-ի ելույթին և Ա. Մոսվյանի՝ Մոսկվայից բերած գրությանը, ապա պարզ կտեսնենք, որ պահանջը նույնն է՝ վարել երկրի առանձնահատկություններինց բխող շրջահայաց քաղաքականություն, որը, տնտեսական խնդիրները լուծելուց բացի, հանդիսանար նաև լավագույն պրոպագանդա հագուտ սովետական իշխանության: 1921 թ. հունվարի վերջին, երբ ՀԿԿ Կենտկոմի անդամներին միջև տարածայնությունները շարունակվում էին, Ս. Կասյանը և Ա. Մոսվյանը Գ. Օրջոնիկիձեի անունով ՌԿ(բ)Կ Կենտկոմի Կովկասյան բյուրոյին հղած հունվարի 28-ի հեռագրում մասնավորապես նշում էին, որ «կառավարության և կուսակցության անհամաձայնեցված գործունեությունը, նրանց ֆունկցիաների խառնումը, մի քանի հեղկոմների անկարգապահությունը, մի շարք պատասխանատու աշխատողների անպատասխանատու և անհամաձայնեցված գործելակերպը ոչ միայն հեղինակազրկում է իշխանությունը բնակչության աչքում, այլև բերում է անկազմակերպվածություն և անարխիա: Մյուս կողմից, առանց իշխանության թույլտվության վերջին բարիքի անսխառն և անպատասխանատու բռնագրավումները... և վերջապես անասելի ծանր սայլային տուրբը բնականաբար առաջ են բերում խուլ դժգոհություն»¹⁵: Բերված փաստերն արդյունք էին այն տնտեսական քաղաքականության, որից համառոտ են լինում Հրաժարվում ՀԿԿ Կենտկոմի նշված անդամները: Որպես արդարացում իրենց քաղաքականության, նրանք կուսակցության Կովկասյան բյուրոյին հայտնում էին, որ հանրապետության ներքին վիճակը բարվոք է¹⁶: Բացի այդ, «Կոմունիստ» թերթում նրանք այդ օրերին տպագրում են հոդվածներ, որոնցում ջանում են սպառնացել բռնագրավումների տնտեսական և նույնիսկ քաղաքական անհրաժեշտությունը: 1921 թ. հունվարի 29-ի՝ «Կատարվում է անխուսափելին» առաջնորդող հոդվածը նրանում կատարված բռնագրավումներին մեջ տեսնում էր հեղափոխական միտում: «Նուզարկություններն ինքն զերազանցապես քաղաքական նշանակություն... նախ զրկում են հակահեղափոխականությանը իր հիմնական ուժից-հարստությունից և ապա, այդ նույն պրոցեսում կազմակերպում են և ամրացնում դասակարգային տիրապետության օրգանները: ...Կատարվում է անխուսափելին, հեղափոխությունը մշտնոյն է իր հունի մեջ»¹⁷: Այս և նման հոդվածները նաև յուրովի պատասխան էին Ս. Կասյանի և Ա. Մոսվյանի փաստարկներին, որոնք ապարդյուն ջանքեր էին գործադրում, որպեսզի ՀԿԿ Կենտկոմի նշված անդամները հրաժարվեն նման քաղաքականությունից: Սակայն ՀԿԿ Կենտկոմի այդ անդամները ոչ միայն փորձ չկատարեցին հանրապետությունում ստեղծված ծանր վիճակը վերլուծելու և թույլ տրված սխալներից համապատասխան եզրակացություն անելու համար, այլև անտեսեցին այդ ուղղությամբ արված մի շարք արժեքավոր ցուցումներ: Նրանք փաստորեն զանց առան նաև անհարկի բռնացումներին վերջ տալու և մտավորականության նկատմամբ լույս քաղաքականություն վարելու մասին ՌԿ(բ)Կ Կենտկոմի Կովկասյան բյուրոյի ցուցումը¹⁸:

ՌԿ(բ)Կ Կենտկոմի Կովկասյան բյուրոն, որը ղեկավարում և ուղղություն էր ցուց տալիս ՀԿԿ Կենտկոմի գործունեությանը, ջանաց կանխել վերջինիս անգամներին միջև տեղ գրած տարածայնությունները: 1921 թ. օգոստոսի 13-ին

¹⁴ Նույն տեղում, էջ 288:

¹⁵ ՄՄԿԿ Կենտկոմին առնթր մարքսիզմ-լենինիզմի ինստիտուտի կենտրոնական կուսակցական արխիվ (այսուհետև՝ ՄԼԻ ԿԿԱ), ֆ. 85, ց. 14, գ. 117, թ. 22:

¹⁶ ՄՄԿԿ Կենտկոմին առնթր մարքսիզմ-լենինիզմի ինստիտուտի հայկական մասնաճյուղի կուսակցական արխիվ (այսուհետև՝ ՄԼԻ ՀՄԱ), ֆ. 4033, ց. 2, գ. 1201, թ. 2:

¹⁷ «Կոմունիստ», 29. I. 1921:

¹⁸ Г. А. Г а л о я н, Рабочее движение и национальный вопрос в Закавказье 1900—1922, Ереван, 1969, с. 406.

ՌԿ(Բ)Կ Կոմկասյան երկրային խորհրդակցությանը տված զեկուցման մեջ Գ. Օրջոնիկիձեն, վերլուծելով Հայաստանի իրավիճակը առվետական կարգերի հաստատումից հետո, նշում էր. «Պրոլետարիատի բացարձակ բացակայությունը... գյուղական բնակչության հետամնացությունը, այդ բոլորը ստիպում էին անցկացնելու շատ զգույշ քաղաքականություն, որի համար էլ Հեղկոմը կազմվեց ավելի լոյալ ընկերներից, որոնց ցուցում տրվեց Հայաստանում սոցիալիստական վերակառուցումներ անցկացնելիս շտապել»։ Վերլուծելով փետրվարյան խռովության պատճառները, նա ավելացնում էր. «Այդ դավաճանական գործը հեշտացավ մեր մի քանի ընկերների շատ կտրուկ քաղաքականությունը, որը հասավ նույնիսկ այնպիսի անիմաստ դեպքերի, ինչպես մեղվի փեթակների ազգայնացումը»¹⁹։ Ինչպես տեսնում ենք, Գ. Օրջոնիկիձեն զեկուցման մեջ նշվում էր, որ տեղական առանձնահատկություններից ելնելով և դրան համապատասխան շրջահայաց քաղաքականություն վարելու միտումով Հայաստանի Հեղկոմը կազմվել էր լոյալ²⁰ գործիչներից։ Սակայն ներքին քաղաքականությունն ամբողջովին իրականացնում էր ՀԿԿ Կենտկոմը, «որի մեծամասնության համար գոյություն չունեի իրականության մարքսիստական վերլուծություն, այլ միայն Ադրբեյջանի սխեման»²¹։ Այս սուղերը գրել է Ս. Կասյանը՝ 1921 թ. մարտի 29-ին Գ. Օրջոնիկիձենին հղած նամակում։ ՀԿԿ Կենտկոմի «ձախ» թեր ներքին քաղաքականության հարցերում Ադրբեյջանի օրինակը բերելով, իր փաստարկները հիմնավորելու ճիշտ կովան չէր ընտրել։ Նախ, Ադրբեյջանում հացի պարտադիր մթերումները հանվել էին 1920 թ. հոկտեմբեր ամսից²² և հետո նրանց պետք է հալոտի լինել ՌԿ(Բ)Կ Կենտկոմի քաղաքականության 1920 թ. նոյեմբերի 27-ի հետևյալ որոշումը. «Հանձնարարել պարենկոմին, որպես կարևորագույն քաղաքական ու տնտեսական խնդիր, Բաքվին անպայման և կանոնավոր կերպով պահել մատակարարել նորմայի 100 տոկոսի չափով։ Պարենքաղաքականությունը Ադրբեյջանում մեղմացնել, այն է՝ Ադրբեյջանում, Մուզանի սահմաններից դուրս, գյուղացիներից հաց բուրդովին չվերցնել, իսկ Մուզանում վերցնել շատ զգույշ»²³։

ՌԿ(Բ)Կ Կենտկոմը Վրաստանում առվետական կարգերի հաստատման ժամանակ, հաշվի առնելով տեղական առանձնահատկությունները, մեծ զիջումներ արեց մանր բուրժուազիային։ Վ. Ի. Լենինը մարտի 2-ին Գ. Օրջոնիկիձենին գրած նամակում մասնավորապես նշում էր. «Խնդրում եմ հիշել, որ Վրաստանի թե՛ ներքին, թե՛ միջազգային պայմանները վրացական կոմունիստներից պահանջում են ոչ թե ռուսական շարժումը կիրառել, այլ հմտորեն և ճկունորեն ստեղծել յուրօրինակ մի տակտիկա, որը հիմնված լինի ամեն առկա մանրբուրժուական տարրերի հանդեպ մեծ զիջողականության վրա»²⁴։ Այս նամակը մեծ ոգևորությամբ ընդունվեց Վրաստանի մտավորականության կողմից։ Ահա թե ինչ է գրում այդ մասին վրաց գրող Կ. Գամսախուրդիան. «Լենինի նամակը Վրաստանի իր ընկերներին լավ տպավորություն է թողել. «մի կրկնեք ռուսական շարժումը»։ Լենինը հաշվի է առնում Վրաստանի միջազգային դրությունը։ Դա իմաստուն է»²⁵։

Այսքանից հետո միանգամայն տարօրինակ է թվում մեր պատմագիտական գրականության մեջ երկար տարիներ տեղ գտած այն տեսակետը, որ իբրև ազգական կոմունիզմի քաղաքականության կիրառումը նպաստեց առվետա-

19 Г. К. Орджоникидзе, Статьи в печати, т. 1, М., 1956, с. 197.

20 Գ. Օրջոնիկիձեն Ս. Կասյանի և Ա. Մաավյանի հետ նկատի է առնեցել նաև Հայհեղկոմի անդամներ Ս. Տեր-Գաբրիելյանին և Ա. Բեկզադյանին, որոնցից առաջինը Մոսկովյան Հայաստանի ներկայացուցիչն էր Մոսկվայում, իսկ երկրորդը՝ սրբեկ Հայաստանի պատվիրակության ղեկավար հանվարի 18-ին մեկնել էր Մոսկվա։

21 ՄԼԻ ԿԿԱ, ֆ. 85, գ. 263, թ. 1։

22 «История Азербайджана», т. 3, ч. 1, Баку, 1963, с. 248.

23 Վ. Ի. Լենին, ՆԼԺ, հ. 42, էջ 56։

24 Վ. Ի. Լենին, ՆԼԺ, հ. 42, էջ 453—454։

25 «Правда Грузии», 16.IV.1921.

կան իշխանության ամրապնդմանը և զարգացմանը, Հարցին նման մոտեցում «ենեցող հեղինակները, բացի այն, որ շրջանցելով փաստերը, կրկնել են ռուսական պատմագիտության գնահատումները, փաստորեն արդարացնում են նաև Հայաստանում այդ քաղաքականության հեղինակներին: Պատահական չէ, որ սովետահայ պատմակուսակցական գրականությունը 20-ական թվականների ՀԿԿ գործունեության մեջ տարբեր տեսակի թեքումներ նկատել է, բացի «ձախ» թեքումից: Նման վիճակը հետևանք է այն բանի, որ ռազմական կոմունիզմի քաղաքականությունը գիտվել է որպես սոսկ տնտեսական հարց²⁶: Բայց յէ որ ներքին քաղաքականության մյուս հարցերը՝ նախկին սպանների արտաքսումը Հայաստանից, մտավորականության հանդեպ ոչ լուրջ վերաբերմունքն ու ընդհանրապես բռնացումների քաղաքականությունն ամբողջապես բխում էին ռազմական կոմունիզմի քաղաքականությունից: Հարցի արհեստական տարանջատումը և այն իր օբյեկտիվ ու սուբյեկտիվ գործոնների հանրագումարով չբնարկելը հանգեցրել է նրան, որ հանրապետությունում առաջացած հետագա բարդությունների համար քննադատվել են շրջահայաց քաղաքականության կողմնակիցները, որոնք փաստորեն հանդես են եկել ընդդիմախոսի դերում: Նման միտումը գալիս է նաև այն օրերի քաղաքական գործիչներից: Փանի որ «ձախերը» չէին տեսնում, որ իրենց վարած քաղաքականությունը չի համապատասխանում հանրապետության սոցիալ-տնտեսական վիճակին, ուստի և ՌԿ(բ)Կ Կենտկոմի Կովկասյան բյուրոյին հղած հեռագրում Հայաստանի օրըստօրե ծանրացող վիճակի համար մեղավոր էին ճանաչում Ս. Կասյանին և Ա. Մուսվյանին: 1921 թ. փետրվարի 9-ին Հայաստանում ՌՍՖՍՀ արտակարգ հանձնաժողովի լիազոր Գ. Աթաբեկյանը Գ. Օրջոնիկիձեին հղած հեռագրում, անդրադառնալով ՀԿԿ Կենտկոմի և Հայհեղկոմի անդամների միջև եղած տարաձայնություններին, նշում էր. «Կասյանի և Մուսվյանի տարաձայնությունները մերժում են ընկերների հետ մեծապես ազդում են գործերի վրա: Կա՛մ պետք է մնան Կասյանն ու Մուսվյանը, կա՛մ էլ Հեղկոմի ու Կենտկոմի մյուս անդամները: Ե՛իշտ է, նրանց մեջ ևս քիչ են պետական մարդիկ, բայց Կասյանն ու Մուսվյանը բացարձակապես զրկված են հեղափոխական հոստառությունից և ընդունակ չեն կողմնորոշվելու, նրանց տակտիկական գարնանը կհանգեցնի բարդությունների: Եթե այստեղ լինեի Բեկզադյանը, նա նույնպես կպաշտպաներ Կասյանի գիծը: Կենտկոմն ինձ հանձնարարել է կյանքում իրագործել իր որոշումը²⁷, ...Հեղկոմի նախագահությունը՝ հանձնել Կասյանի և Մուսվյանի դեմ է»²⁸: Ինչքան էլ որ Գ. Աթաբեկյանը աշխատել է օբյեկտիվորեն ներկայացնել իրավիճակը, բայց չի կարողացել, որովհետև ինքը «ձախերի» համոզված կողմնակիցն էր: Եթե Կենտկոմն իրեն էր հանձնարարել իրագործել ընդունած որոշումը, ապա տրամաբանության ո՛ր օրենքով գալիք բարդությունների համար մեղավոր պետք է ճանաչվեր «Ս. Կասյանի ու Մուսվյանի գիծը»: Եվ ապա, այդ ինչպե՞ս եղավ, որ Անդրկովկասի հեղափոխական շարժումների պատմության մեջ որոշակի հետք թողած գործիչները հանկարծ զրկվեցին «հեղափոխական հոստառությունից»: Փաստերը վկայում են, որ Հայհեղկոմի նախագահը կարողացել էր թափանցել պատմական իրադարձությունների խորքը, օրվա թոհուրթոհում տարբերել մնայունն ու անցողիկը: Այդ է պատճառը, որ նա դեմ է եղել և մասսայական բռնագրավումների քաղաքականությանը, և նախկին սպաններին Հայաստանից արտաքսելուն²⁹, և համաժողովրդական մտայնությանը խաթարող մյուս ձեռնարկումներին: Բայց այդ ամենը ոչ նրա համար,

²⁶ Բացառություն է կազմում Գ. Մ. Գեղամյանի արդեն հիշատակած աշխատությունը:

²⁷ Խոսքը վերաբերում է բռնացումների քաղաքականությանը առնչվող հանձնարի վերջերին ընդունած ՀԿԿ Կենտկոմի որոշմանը, որից հետո կողմերի միջև վեճն ընդունում է բացահայտ բնույթ:

²⁸ ՄԼԻ ԿԿԱ, ֆ. 85, ց. 1, դ. 124, թ. 1:

²⁹ ՄԼԻ 2ՄԱ. ֆ. 4049, ց. 2, գ. 1, թ. 5:

որ նա չստատարում էր հակահեղափոխականներին»³⁰, այլ այն բանի հաստատ գիտակցումով, որ նման տակտիկան ժամանակավորեպ է և Եարհեսականորեն հող է ստեղծում հակահեղափոխականության համար»³¹։ Այդ էր պատճառը, որ 1921 թ. հունվարի 23-ին (մինչև Կենտկոմի հիշատակված որոշումը) Ա. Մուսվաթյանը Բաքվում Սովետական Հայաստանի ներկայացուցիչ Մ. Աթարբեկյանին հայտնում էր, թե «Աթարբեկովի (Գևորգ) միսիայի շուրջը մեզ մոտ ամենալուրջ վեճեր կան, բանը հասնում է ծայրահեղության»։

...Հարկ կլինի որ դուք լրջորեն մտածեք և մեզ հնարավորություն տաք աշխատելու»³²։ Բայց ստացվեց այնպես, որ դասակարգային պայքարի մթնոլորտում Գ. Աթարբեկյանի գործունեության ձևերն ու մեթոդները ստացան առաջնային նշանակություն։ Շ. Ամիրխանյանը, տարիներ հետո անդրադառնալով փետրվարյան խռովության հարցերին, գրել է. «Մեր ղեկավար կադրերը պետություն ղեկավարելու և հակահեղափոխության դեմ պայքարելու փորձ չունեին»³³։ Նա առաջին հերթին մեղադրում է Ս. Կասյանին և Ա. Մուսվաթյանին, որոնք ձգտում էին երկիրը ծանր վիճակից դուրս բերել խաղաղ ճանապարհով³⁴։ Այն օրերի ղեկավարի և իրադարձությունների ակտիվ մասնակցի կարծիքը տարակարծության տեղիք չէր տա և չէր դիտվի իբրև Ս. Կասյանի և Ա. Մուսվաթյանի հետևիչներ։ Բայց երբ խոսում է Գ. Աթարբեկյանի մասին, պատկերը միանգամից փոխվում է։ «Գ. Աթարբեկյանը, — գրում է նա, — ոչ միայն տաղանդավոր շեկիստ էր, այլ նաև լավ քաղաքական և դիվանագիտական ղեկավար»³⁵։ Պարզվում է, որ, այնուամենայնիվ, լավ քաղաքական ղեկավարներ կային, բայց Ս. Կասյանը մեղավոր է, որովհետև նրանց գործելու ավելի լայն ասպարեզ չի տվել։ Իհարկե, Ս. Կասյանին պետք է քննադատել, բայց այն բանի համար, որ նա իբրև հանրապետության գերագույն իշխանության ղեկավար չի գործել վճռական և անվարան։

Չնայած այն բանին, որ պատմական փաստերը և երկրում կատարված արմատական տեղաշարժերն ամբողջապես ապացուցում են, որ Ս. Կասյանի և Ա. Մուսվաթյանի տակտիկան ճիշտ էր, բայց, այնուամենայնիվ, այդ շրջանում հանրապետության ղեկավարների միջև եղած տարաձայնություններին անդրադարձած գրեթե բոլոր հեղինակները քննադատել են նրանց, արդարացիելով մեծամասնության քաղաքականությունը։

Զուգահեռներ անցկացնելով Սովետական Ռուսաստանի հետ, մենք պարզ տեսնում ենք, որ եթե ռազմական կոմունիզմի քաղաքականությունն այնտեղ 1918 թ. առաջնային նշանակություն ստացավ քաղաքացիական պատերազմի հարկադրանքով, ապա Հայաստանում այն մեխանիզմներն էին, որոնք հրաժեշտություն չկար։ Մանավանդ որ, երբ Հայաստանում հաստատվեց սովետական իշխանություն, արդեն պարզ երևում էր, որ ռազմական կոմունիզմի քաղաքականության աղերսով Սովետական Ռուսաստանում առաջացել էին տնտեսական դժվարություններ և ուղիներ էին որոնվում փոփոխությունների համար։ Նաև Սովետական Ռուսաստանի փորձից (ոգուց և ոչ թե տառից) ելնելով էին Ս. Կասյանն ու Ա. Մուսվաթյանը պահանջում խուսափել ռազմական կոմունիզմի մեթոդներից և Հայաստանը դժվարությունից դուրս բերել ավելի

30 И. Таириян, Красная Армия в борьбе за установление и упрочение Советской власти в Армении, Ереван, 1971, с. 226.

31 ՄԼԻ ԿԿՄ, ֆ. 85, ց. 14, գ. 117, ք. 22.

32 Եղևկանմբերյան սոցիալիստական մեծ ռևոլյուցիան և սովետական իշխանության հաստատումը Հայաստանում, Երևան, 1956, էջ 468.

33 Ш. М. Амирханян, Из истории борьбы за Советскую власть в Армении. Ереван, 1967, с. 101.

34 Նույն տեղում։

35 Նույն տեղում, էջ 167.

զդույշ և շրջահայաց քաղաքականության միջոցով: Այսինքն, այնպիսի քաղաքականություն չարժանիք, որը հետագայում կիրառեցին Ալ. Մյասնիկյանը և Ս. Լուկաշինը: Կարծեք թե Ս. Կասյանի 1920 թ. դեկտեմբերի 9-ի արդեն հիշատակած միտքն էր շարունակում Ալ. Մյասնիկյանը 1921 թ. մայիսի 9-ին Երևանում ունեցած իր առաջին ելույթում. «Մենք մարքսիստներ ենք և ասում ենք. ուրիշ են պայմանները, ուրիշ պետք է լինեն նաև միջոցները»³⁶: Ջարգացնելով իր միտքը, նա այնուհետև նշում էր. «Մենք եկել ենք այստեղ ոչ թե քաղաքացիական կռիվ անելու, շարժարեւու, այլ աշխատավորությանը տանելու դեպի խաղաղ, հանգիստ աշխատանք՝ առանց շահագործման, առանց կոպի դեպի կոմունիզմ»³⁷: Որպես ՀԿԿ Կենտկոմի մեծամասնության մինչդիտարկության քաղաքականության հանդեպ դրսևորած գործնական վերաբերմունք պետք է դիտել նաև այն, որ նրանք գրեթե ամբողջությամբ դուրս մնացին ՀԿԿ Կենտկոմի և Հայհեղկոմի կազմից: Անշուշտ կազմակերպական նման գործելակերպը Ալ. Մյասնիկյանի և Ս. Լուկաշինի համար դյուրին էր, որովհետև ՌԿ(բ)Կ X համագումարի որոշումները և 1921 թ. ապրիլի 14-ին Կովկասի կոմունիստների Վ. Ի. Լենինի հղած դիրեկտիվ նամակի դրույթները պարտադրում էին քաղաքականությունը վերակառուցել տեղական առանձնահատկությունների համապատասխան: Սակայն այս հանգամանքը ավելի է բարձրացնում Ս. Կասյանի և Ա. Մուսվյանի արժանիքները, որոնք իրավամբ պետք է դասվեն 1921 թ. ամբողջ երկրում կատարված ստրատեգիական փոփոխությունների առաջամարտիկների թվում: Նրանք, հեռվելով լենինյան ցուցումների վրա, ամիսներ առաջ տեսնում էին այն փոփոխությունների անհրաժեշտությունը, որոնց ըսկիզբը դրեց ՌԿ(բ)Կ X համագումարը: Մեր կարծիքով, պատմագիտության կողմից այս հարցերի անտեսումն ունեցել է նաև անցանկալի հետևանքներ այն առումով, որ դաշնակցական գործիչները, շարաշահելով իրավիճակը, դրանք ներկայացրել են իրենց ձեռնադրու ձեռքով:

Գաղնակցական գործիչները խնամքով լրացնում են, որ Հայաստանում հակասովետական հեղաշրջման գաղափարը ծնվել էր Ալեքսանդրապոլի բանակցությունների ժամանակ և արտացոլված է 1920 թ. դեկտեմբերի 2-ին քեմալականների ու դաշնակցականների միջև ստորագրված տխրահռչակ պայմանագրի 5-րդ հոդվածում³⁸: Հեղաշրջման նպատակով դեռևս դեկտեմբերի սկզբներին ստեղծվել էր «Հայրենիքի փրկության կոմիտեն»: Սրանք անհերքելի փաստեր են, որոնք ցույց են տալիս, որ դաշնակցականները ներքաշվել էին քեմալականների հակասովետական քաղաքական խարդավանքների մեջ դեռևս այն ժամանակ, երբ ոչ մի բռնագրավում և բռնացում չկար: Երկար կարելի է խոսել դաշնակցականների «փաստարկներին» միակողմանիության մասին, սակայն որքան էլ որ հարցը պարզ է, բայց, այնուամենայնիվ, փաստ է, որ նման վիճակի համար մեղքի մի որոշ բաժին ունի նաև մեր պատմագիտությունը, և դա այն պարզ պատճառով, որ եթե ժամանակին ճշմարտությունն ապրի մամբողջությամբ, ապա մեր հակառակորդներն առիթը շարաշահելու հնարավորությունից կզրկվեին:

Այսպիսով, Սովետական Հայաստանում ռազմական կոմունիզմի քաղաքականության կիրառումն ավելի բարդացրեց հանրապետության առանց այն էլ տնտեսական և քաղաքական ծանր վիճակը: Փետրվարյան հակասովետական խռովությունը ճնշելուց հետո ՀԿԿ Կենտկոմից և Հայաստանի կառավարությունից բավականին ժամանակ և ջանքեր պահանջվեցին հանրապետության ներքին քաղաքականության բնագավառում տեղ գտած բացերն ու դրանց բացասական հետևանքները վերացնելու համար: Ռազմական կոմունիզմի վերացումը, ներման մասին դեկրետները և նոր տնտեսական քաղաքականության կիրառումը հող ստեղծեցին հանրապետության ժողովրդական տնտեսության հետագա վերականգնման համար:

³⁶ Ալ. Մյասնիկյան, Ընտրի երկեր, Երևան, 1957, էջ 334:

³⁷ Նույն տեղում, էջ 335:

³⁸ «Դեկտեմբերյան սոցիալիստական մեծ ռեվոլյուցիան և սովետական կարգերի հաստատումը Հայաստանում», էջ 409:

ИЗ ИСТОРИИ ОСУЩЕСТВЛЕНИЯ ВОЕННОГО КОММУНИЗМА В АРМЕНИИ

КТРИЧ САРДАРЯН

Резюме

Политика военного коммунизма в Армении осуществлялась в острой борьбе между членами ЦК КП и Ревкома Армении. Председатель Ревкома Армении С. Касьян и члены Ревкома А. Мравьян, А. Бекзадян, исходя из тяжелого политического и экономического положения республики, выступили против политики бессистемной реквизиции и конфискации. Другие же деятели—А. Нуридджанян, Г. Алиханян, А. Костанян, И. Довлатян, Г. Атарбемян—придерживались иного мнения. Они были сторонниками претворения в жизнь политики военного коммунизма, осложнившего и без того трудное социально-экономическое и политическое положение республики.